

新修山東鹽法志

卷十四



山東鹽法志第十四卷目錄上

前朝藝文

檄

議

頌

記

序

碑

祭文



詩文

樂

禮

書

史

子

集

山東鹽法志第十四卷上掌印官印錄

山東鹽法志第十四卷上掌印官印錄

前朝藝文目錄單休同當堂其後亦餘商

序曰運司所轄接連三省延袤二三千里地廣

人稠食鹽之事繁已蒞事者上有稟承下需宜

布凡文移碑贊風謠所採皆關民瘼又有賢人

君子家乘流傳凡係竈籍不可泯沒據所得者

附載於後爰志藝文云其收效豈奉亦去守之

一檄 條約即檄類

稽引目通商賈禁私販恤竈困條約

一商人行鹽執有引目及水程驗單法固詳密
州矣然而銷繳稽遲夙弊如故豈奉行法守之
不力哉今後運司凡遇掣過商鹽納完課銀
亦者一面給發水程一面申遞驗單隨完隨發
不必彙齊自長蘆發者限六日自山東發者
限十二日違期提究鹽到地方所司卽驗鹽
包引日程單相同當堂填簿其引仍給商照
賣隨賣隨交既完掌印官卽將程單取具商

人賣完甘結封繳本院查銷季終仍差吏書
赴比若所司措勒商人及不追繳引目驗單
致生他弊者掌印官別議巡鹽官吏坐以贓
罪至於鹽包通正餘沒官共以六百觔爲率
照例納沒官價銀一錢此外再多三十觔以
委官嚴申究治其沒鹽雖多亦不必扣包
更名卽明開每包共重若干填註程單給商
運發亦不許有司重複問罪以滋商困訪出

一重究此水本以嚴商

一有鹽地方本以通商惠民非爲厲禁虐下也
查得往時所司有派散之弊有挨賣之苦派
散者虐民挨賣者困商均非厚下之道今後
各屬凡遇商鹽所至不拘先後責令經紀領
商照依時價聽從貨賣不許仍踵派散挨賣
陋規坐困商民卽有願減時價利於速賣者
聽從其便凡買鹽之人仍取鹽商私記小票
若有鹽無票六十觔以上論罪有司時加稽
察各商有無坐索高價藉口阻滯暗增私鹽

撓格蹉政一有弊端卽時揭報以憑重治
一私鹽之禁法律甚備而奸徒敢於恣行者一
由所司根究之不嚴一由捕兵賞格之未立
耳如舟運必有渡越之關陸運必有窩容之
處買時誰爲牙秤到埠誰爲領分皆可尋而
根究者也今後捕獲大夥鹽徒問官一一查
究毋容漏網其巡鹽兵快不許朋本私販暗
抵季報鹽觔亦不許賄放大夥輕攘肩挑希
圖塞責有司亦不許輒以肩挑鹽不滿百者

擬罪妄申希圖悅上每季終衛州縣所巡司
將鹽勛文簿照舊款開於何月日在某處獲
某人鹽勛若干贓物若干逐一登填另印花
欄小紙將該季獲過鹽勛賣過商鹽繳過未
完分數填註責該吏書同兵壯齎簿赴府巡
鹽廳掛號限定日期赴院查比惟青登萊三
府徐宿延慶保安四州地里隔遠照舊春秋
二季赴比吏書推故不到及雇替者通行究
革若官吏兵快人等有能用心緝捕鹽勛溢

額至千勛以上者卽將一半獎賞俱照數扣
除然後申報巡鹽官與正官一併紀錄有能
報首窩家搜出鹽物者卽以鹽物賞之決不
食言夫根究嚴則人知懲賞賚信則人知勸
所司能致誠行之未有私鹽不絕國課不充
者也

一四民之外惟竈丁爲獨苦邇來逃亡日甚所
司尤當倍加撫卹查得往年若場官假公橫
斂若棍徒買單僞支若奸總倍收課價皆爲

竈丁大蠹文到各該司官並宜矢心倡率毋
縱場官擅意科派其循環查盤造冊工紙准
於灘銀動支各司亦不得妄差一役下場騷
擾仍出示曉諭凡商人到場領鹽須驗引單
俱全方准支給如有單無引即係截買禡徒
許竈戶扭拿赴司招報賣單商人一體究治
至於全鹽場分不許奸總勒徵折色希圖加
倍侵收坐場虎棍毋得騙收寫遠人戶肥家
累害總催賠贖違者盡法處治凡諸色弊竇

鹽望各司留心釐革昔人謂股削繁則力本怠
滋侵擾重則逃亡滋耗養課在養民也非名言
若乎其慎念之
從議不盡二千餘共銀長米更日土除點器不
或同弛鹽禁以恤竈丁議
以上皆文
履歷見
職官志
賈應春
本司所隸十九處寧海等八場俱近濟河舟楫
疏通鹽貨無滯每年共徵本色鹽三萬餘引聽
商中納富國等十一場俱水道不通鹽貨不行

於宣德計合無將寧海新鎮等八場見行鹽地方照舊嚴加禁約外其富國等十二場竈戶中間果有違禁撐駕海船越境與販鹽至二千觔以上者及勾引隔省鹽徒貽患地方者聽巡捕巡司衙門照例拿送官司從重歸結若是本境貨賣不滿二千觔并聽易米度日上納課程不許公差地方人等指以私鹽擅行捉拿本司仍將各場竈戶逐一清查內除經商種田原無煎鹽單丁小戶原無鍋竈者聽其別項生理其煎

鹽竈戶每戶給與印信由帖一紙內開某戶原額鹽若干引折布銀若干兩人若干丁花戶年貌令其執照赴本境貨賣但有嚇詐者令其執帖赴官陳告若帖內竈丁有逃故新收另行更換如此則官鹽既無妨廢竈鹽亦得疏通貧竈少蘇奸弊少革矣

因定邊費重大內帑詘乏多方計處以紓財用

議

履歷見
職官志 何其高

本司官臺等十一場遠近逃竈遺下丁鹽銀三

千二百四兩九錢三分九釐四毫一絲俱累見
在人戶包賠爲照天地自然之利本以裕民而
國家通變之宜因以濟用竈丁辦鹽名商中納
祖宗飛輓之良法後因商販不通改折銀布此
亦一時權宜之術奈何鹽價輕而易辦銀布重
而難完况竈戶居切海濱世專鹽業牢盆盡廢
斥鹵無收即使之竭力本課已覺難堪而又重
以逃亡之累水旱之災以數十年之積欠而併
徵於一時以數千家之逃亡而責賠於見戶雖

月逼日催勢莫能辦而典男鬻女情甚不堪相
應亟處以紓目前之困以圖經久之策合無將
各場遠近逃竈丁銀折鹽開邊報中竈困少蘇

又查緩徵州縣佃銀以恤凶荒議

履歷見
職官志 廿一驥

照得各州縣連歲凶荒民佃銀兩完納不前相
應酌議動支庫貯餘沒額外剩銀四千四十兩
抵解仍行各州縣寬限徵解貯庫查盤以備凶
年賑濟之用如此則在餘沒民佃兩項解額俱

無違限之愆在各州縣佃民稍受緩徵之惠而
在他日凶荒亦有先事蓄積之需矣蓋以備凶
歉裁革商人答應以杜姑息議四十四兩
照得鹽課之足在於通商而商人之所以樂輸
又在清其弊竊省其浮費持其綱領而有出於
比較催併之外者查得本司舊有商人卯簿每
卯責令赴司畫卯比較又有商人答應奸商往
往借此夤緣錢糧欠完一無勸懲是比較之法

反增衙門一弊竊也何怪商人之不樂輸乎今
議革去商人打卯答應止置完欠先後簿籍以
便查給引目則商人無所行其私而衙門亦無
所容其姑息矣蘇處分邊商內商議
廿一驥

照得邊商赴邊報中內商下場親支此舊例也
顧節年邊商高擡引價則內商病內商擅下場
之例而不容邊商親支則邊商病今議引價照
前院批定一錢八分比之赴邊報中者已有三

分贏利不得再行高擡抑勒內商而邊商之中頗有厚貲願赴場者仍准親支不許內商爭阻則內商無抑勒之苦邊商有下場之利各得其平而不相病矣

禁奸通引議商辦
甘一驥

查得本司奸商積逋累鉅萬自隆慶六年秋關起二十一件掣招未完今議立三等九則之法不論邊商內商但以錢糧完者爲上商以錢糧欠者爲下商於完課上商則加給引目於欠課

下商則減削引目分別限期拘各次課衆商設法追比除力能完者帶舊完新分限輸納外其乏商積逋數多力不能完則查先年掣過之鹽尚有堆朶在園者查其原引准令富商認替納銀起賣又查其行鹽之地尚有未完帳目節據告追者票行本地方行鹽官量追解抵舊逋又查其發鹽處所有船戶車戶脚夫入等預支腳價本商無鹽裝運欠負在身者押各役轉替富商裝運卽於富商名下追銀抵其舊逋其錢糧

已完之商如內商鄭朝聘等邊商李世祿等百餘人各照則領引其奸商王良貴趙世廉張繼愚費煥李崑等五十餘人革退除名邊商中引勘合投司遵照明例官收官給相應通行遵守可也又查其行鹽之數尚自未定雖日銷數蓋所以嚴私鹽之禁而通官鹽之行也法應直正捉獲有犯私鹽庶名實不乖法行而人知警

近來相沿不論捉獲有無人贓莊假或扣捕役工食或孤里甲出辦假捏詭名虛報鹽數要以及額而止甚至標爲無犯私鹽名色遂至奸滑捕役逼同鹽徒任其私販橫行謾不究詰公取月銀以抵解額而於立法之意失之遠矣又何怪乎私鹽之愈多而官鹽之愈滯也相應釐正業以甦店戶私販議臣林爾巽甘一驥四查得外道食鹽變價往時年豐鹽貴店戶所賠不多猶未稱累目今年荒鹽賤若依舊例每引

折價一兩三錢六分五釐六毫實為甚苦累
且開私販之端但外道食鹽折價已久其數目
難以減輕相應酌議每引扣留鹽價六錢四分
外應補銀七錢二分五釐六毫於私鹽銀內照
數支給庶不損外道折鹽之價且杜絕虐反私
販之弊

又前存恤竈丁議
為照登萊竈戶無田可耕止靠晒鹽取蝦打草
度日加以舍其所產徵其所乏逃亡賠累年甚
一年國初運司竈籍冊以戶計者一萬三千五
百七十有一而今存戶不過二千七百以丁計
者四萬五千二百二十有六而今存丁不過二
萬賑濟不及蠲免不與若又以重徵急之惟有
盡逃而已本司目覩民瘼實切痛心曾經議詳
照舊徵鹽未蒙部覆不得已清商課之有餘寬
竈課之不足此皆不得已招撫逃亡之策殊非
惠竈可久之規今據掖縣申詳西由等場竈冊
要將竈戶加丁與民一例歲辦縣中供應及西

由場竈戶李進果王道等告稱丁應兩差地出兩稅要乞申豁存恤各一節查得西由場竈戶原額六百戶出辦課銀九百兩今見存戶不過二百包賠六百戶之差其丁課之重可謂苦矣而猶責以赴縣供應不亦難乎西由場竈地每畝納運司地課銀六釐較之民糧雖云稍輕據告除六釐之外加派縣中民糧八釐一地兩稅已非法矣而猶云竈輕民重不亦過乎民戶竈戶均爲縣官赤子在有司固不得爲民而抑竈

在本司亦何忍爲竈而抑民但使竈戶果係有餘則本司既不難於清商寬竈矣而又何難於清竈寬民乎奈今竈戶逃亡未復窮困果甚遼東之軍餉不可議減矣而凶年無蠲免賑濟之望本色之徵解不可議復矣而樂歲有賣妻鬻子之苦主上憂勞萬姓屢下德音思以惠養元元之政責成州縣哀此窮竈豈獨遺於惠養之外哉欽奉累朝勅旨見行恤竈事例近奉本院通行明文竈戶丁無民差地無民糧其有置買

民田者止辦夏稅秋糧馬站供應里甲此外亦不得有大戶三等九則丁銀寄庄重併之徵法令具在闔省遵行又何獨格於掖縣而不行也即使竈丁果有隱漏自當清入司冊以補逃亡之額不得逼竈丁而派縣差又使竈戶果屬殷富自當徵解司額以足遼東之餉不得剝竈民而備縣用相應申飭改正存恤

急邊儲寬民力議

廿一驥

查得餘沒銀歲額五萬兩往因奸商骹法掣招十年不繳此商課之多逋由商弊之多也鹽課九千六百六十五兩則屬之高家港等十一場並壽光等四十五州縣皆係濱海窮竈所產惟鹽苦於折銀舍其所產徵其所乏以致逃戶日多包賠爲累年復一年愈逃愈累愈累愈逃官吏總秤徒有循環比較之煩有查盤問罪勒限徵比之法無救於逋課而攤派罪贖幫貼比較徒益竈民之困此鹽課折色之多逋由改本徵折之累也民佃竈地銀四千二百三十九兩則

屬之武定等四十五州縣有佃地失業里甲包
賠者有概將佃銀攤派各戶民糧項下帶徵者
若寧海州之二十三兩萊陽縣之二百九兩則
竈土無影前數從來不解此民佃竈地之多逋
由竈地之有名而無實也近蒙三院綱紀明肅
鹽法疏通商弊一清餘沒舊逋新額照數通完
訖見今貯庫餘沒額外剩銀一萬五千兩聽候
查盤在卷照得理財之法莫先於養民而惠民
之實尤在於早議山東六郡民戶節蒙兩院恤

其困憊請賑請蠲不下數十萬兩哀此窮竈未
蒙請蠲蓋以鹽課解邊遽難議處耳近年雖蒙
三院准議抵解欠數然在官吏得蒙一歲報完
之福在小民未離終歲追比之苦今十四年催
徵在邇部限六月以裏起解若不早爲議處臨
期部限難違未免申請借抵而小民之膏脂已
竭矣其已收在官者縱能清刷查出小民不霑
實惠蓋由議處於徵收之後而計之不早也今
議於庫貯餘沒額外剩銀內動支一萬三千九

山東鹽法志 卷之十四
百五兩抵十四年各州縣場鹽課民佃銀原額
仍通行各該州縣場盡行停徵並不許官吏以
別項名色重徵擾害其各場總秤俱令歸農不
得科索窮竈各場官止令食俸不得役害總秤
如此則民無催徵之擾而雞犬獲寧官吏無比
較問罪之罰而科派盡絕與民休息一年逃民
聞風復業在各場戶口之消耗可望生養在各
州縣民佃之重累亦獲減輕地方蒙澤而遼東
軍餉且得及時早解矣

鹽河濬泉築壩設閘議

廿一驥

照得古有鹽利必賴鹽河稽古禹貢海岱惟青
州厥貢鹽絺齊太公以齊地負海潟鹵通魚鹽
之利而人物輻輳夷吾官山海謹正鹽筴以令
糴之梁趙宋衛濮陽得成金萬餘齊富遂擅天
下蓋其時九河濟漯之水在齊境者猶多禹績
足爲民利太公夷吾因而利導之耳叔世禹績
漸湮鹽河尚存什一國初設立山東運司所轄
海滄等十九場場皆賦鹽樂安等第三批驗所所

皆通鹽河其河路則西接運道東至海濱其行
鹽地方則西達開歸南抵邳宿自成化年間開
歸等行鹽地方改隸河東海滄等十一場鹽改
徵折銀竈戶鹽無所售逃亡過半樂安批驗所
裁革商旅不行而鹽河之在青登萊者盡廢沒
矣其敝不獨在鹽政而東方民生之日凋敝有
以也濟南爲省會重地雒口爲運鹽咽喉而一
線之水復使之湮沒不修爲民生計者能恝然
坐視耶萬曆十一年春二月職受事東運蒲臺

齊東之水達於雒口雒口之水猶得達於齊河
長清平陰東阿舟膠未甚商利頗通祇緣奸商
骫法百計延捱遂至積逋疊鉅萬上累官府每
以考成勘合未完摘叅在卷此往年所患在商
人骫法連年蒙院道振綱肅紀衆商鼓舞樂輸
除歲解五萬兩正額無欠外補解過萬曆七等
年餘沒舊逋一萬八千兩又蒙題准抵解蠲免
過萬曆八等年分高家港海滄等十一銀場寧
海萊陽等四十五州縣未完課佃銀二萬一千

九百兩抵解全免過十五年分被災各州縣場見徵課佃銀一萬三千九百兩賑濟過永利等八鹽場一萬七百貧丁銀一千七十兩清商課之有餘而商不告困恤民竈之災疲而竈得更生非獨法行河利居多焉今據商人張賢等告稱近年龕河口築打石堤運河勺水不入鹽河加以天旱雨少泉利未濬鹽河斷流車價踴貴隱憂在後一節已經委官勘報前來若不及時議處不惟商人舍舟從陸鹽河勢必盡涸而車

價踴貴商利微解將來誰肯報中此今日所患在鹽河病商職材不通方心慚尸素謹繪鹽河圖一張擬修河便宜五事築壩設閘濬泉議處七款關希通詳轉達會題豈獨與商民一時之利亦欲存禹績千載之遺他日倘蒙查復祖宗舊制尋青登萊鹽河故道通魚鹽之利以還青齊人物輻輳之盛或自今日始矣

計開修河便宜五事議處七款
一 雒口車運至張秋每小車裝鹽二引用車價

山東通志 卷之二十四 前朝藝文 七
六兩舟運每小船裝鹽四其引僅用船價八
見兩商費省可五倍費省財利厚利厚則商來
齊者衆而小民且食賤鹽之利其便一兩清商課
費商人領鹽出園遇淺雇車有等候之苦有車
隊戶刁難擡價之患有搬卸之勞有中途掬剝
盜賣之弊若修河通運蒲臺達維口維口達
魚山如坐鹽園中發賣鹽無虧折私販亦稀
其便二無商運林不國式必清只素董會鹽成
可東省連歲荒歉民有菜色若有修河之役則

事功易興而小民且得藉工作以救旦夕之
命足爲救荒一助其便三

一掣關招照項下餘沒銀少亦不下三萬兩往
往延捱十餘年不完如隆慶六年起至萬曆
十年止掣招二十餘件十二年方纔追完銷
繳此何以故蓋奸商之骫法亦在我者未有
以鼓之也今修河工費不請內帑不損正課
不行科派止奉鹽院節次掣關招照項下應
追銀兩照數立限早完清商額之贏與商人

之利無煩比較而衆商自然爭先樂輸鹽院
未完且得及時銷繳案無滯牘其便四
一成化以前山東鹽河一支自維口所而東入
蒲臺所以通寧海等八場者運鹽由蒲臺維
口齊河長清平陰東阿張秋而達運河又一支
入樂安所以通新鎮等十六場者運鹽由
樂安日照濤洛經沂河邳城邳州徐宿而達
黃河今樂安支河已盡湮沒其僅存者蒲臺
維口二所水利耳無論鹽運賴之卽民生糧

食柴炭木石等項轉輸所需其利不少維口
一帶斷流蒲臺勢必盡廢誠有可隱憂者若

修維口等處水利則蒲臺之通行者有直達

東阿之利而樂安之已湮沒者亦有漸尋故

道之機其便五大條

一清查歲額剩銀以備工費據歷城等縣經歷

等官估報丁家口等處壩閘工費該銀五萬

六千七百三十三兩據此除先儘本司歲額

上半年各銀萬五千兩及時起解不得違

誤外容令於額外剩銀見余庫貯銀萬兩內
併諭商人將掣過引鹽餘沒銀依限早完照
各該縣原估陸續動支連珠給發該縣起工
一 修建截取庫收六樣五本申繳院道查考及
聽候委官查盤大約秋掣後歲額兩解既足
而河工修築亦可完矣
一 委重各縣正官收放以便責成鹽河水利雖
關鹽政實切民瘼所據合用錢糧既經各該
掌印官估計收庫則一應料理給散自當正

官主之佐貳首領不過管工催督而已如用
石若干石價幾何用木鐵灰油等項若干木
鐵灰油等價幾何皆臨時親自驗實兩平給
價不許棍徒包攬某匠頭領匠役若干名某
夫頭領夫役若干名皆十日一臨工所計工
唱名給散不許匠頭夫頭預支務期費省絕
無冒破工堅可垂永久事完之日冊報本院
聽鹽法道閱視分別正佐首領各官勤惰申
請舉刺獎戒庶責成專而河務舉矣

一議管工催督官廩給各縣管工丞簿典史既奉三院會委須辭別務常川住居工所朝夕勤督仍議廩給每日一錢工畢住支不許冒破物料虛報工數侵尅工食以滋奸弊

一議壩閘匠作工食壩閘所需用石十九用木鐵十二每石一塊長五尺濶二尺三寸厚一尺二寸每尺工食三分五釐其餘各工稱是備載委官估計揭中餘沒及傭工每日工食銀四分其石木等項物料並人工不敷之數

仍聽該縣臨時議詳

一議管閘員役各閘旣成須用閘官管理今議不必添設其維口所丁家口閘卽委維口所大使管理齊河縣劉家口閘長清縣張村閘沙河閘平陰縣吳家渡閘各設閘老一名管理每遇船車裝運引鹽到閘卽啟板閘老督率閘夫幫助扯船過閘船過卽上板遇秋水漲暫行放閘水退卽行閉閘各役懶惰悞事及擾害商船者查革另僉

一議閘夫各閘啟閉須用夫役今議於隣近居民每閘僉夫十二名常川候視看守庶便蓄洩不致廢事其工食每名月給銀三錢於票鹽銀內本司按月支給

一議處濬泉及歲修工費據東阿縣申報東流泉合用挑濬工食銀十五兩平陰縣申報蘆泉平陰泉桃山泉輝泉合用挑濬工食銀各十兩通共不過五十五兩合於前項銀內照數發各該縣雇募夫役挑濬其五閘仍照濟

寧等處運閘事例並議歲修預防之法以垂永久每歲於額外剩銀內臨時查驗申請動支各閘多則五十兩之下少則二三十兩之上或幫補石塊或幫補土基或量修滾水壩或相水勢量移水路掌印官督同商人所官閘老親詣各閘相度幾宜每年於十月內議修庶費不多而利可久矣

申明解額以安商衆議 廿一驥

爲清報商利通塞緣由申明解額以安商衆以

垂永利事案照先奉戶部劄付山東運司額該
每年解餘沒銀五萬兩不許仍前拖欠等因又
奉戶部劄付內開山東運司鹽課民佃竈地銀
兩額該每年一萬三千九百兩自萬曆八年
起共未完一萬七千二百八十七兩零合劄本司
嚴督各該縣場上緊追完等因奉此該本司運
使甘一驥於萬曆十一年閏二月二十五日到
任清查鹽院比較循環簿內二十一條俱爲掣
放引鹽事隆慶六等年商犯李紹曾等共有未

完餘沒銀一萬八千兩在簿節蒙比責該吏定
限完銷蒙此照得本司餘沒並課佃二項各積
逋累鉅萬蓋東運夙稱疲敝難治其來久矣顧
念理財莫先養民民甦而後財可理與利不如
除弊幣去而後利可興此餘沒課佃二者緩急
之所攸分寬嚴之所宜酌也在課佃則屬之高
家港等十一場壽光等四十五州縣而各場窮
竈因改本徵折苦重累逃各州縣窮民因連歲
荒歉竈地無收其勢宜緩其道利用寬在餘沒

則屬之隆慶六年秋關起至萬曆十年秋關止
未完卷宗二十一件積逋少者數百多者數千
了頭欠尾寅比卯較鹽已運盡庫收不繳將來
必至乾沒其勢宜急其道利用嚴除行高家港
等十一場壽光等四十五州縣停止比較禁革
差人下場下縣姑與寬限徵解其節年未完災
歲見徵另議抵免外申蒙鹽院立商人三等九
則陞擦勸懲之法免其打卯答應虛文革其打
點請託使用秤頭浮費聽其自扶天平隨到隨

收隨給起票但不得先運後納歲終榜示革退
奸商分別勤惰稍用清汰不事鞭笞以故商人
爭先樂輸二十一關積滯招詳僅得銷繳原無
增課但清其弊而課自完未能興利惟去其害
而利自興據節年委官黎紹詵張一相趙成孚
何世廉李寅巖亢遇舟袁繼善陳世全等十次
起解餘沒歲額二十五萬兩並補完舊逋一萬
八千兩共二十六萬八千兩俱足無欠考成註
銷訖十三年三月內蒙戶部一本爲司農告匱

等事覆戶科都給事中蕭彥等本內開山東運司夙稱多逋而近者徵解無餘且併其舊逋輸之查據考成簿內已經註銷此則人存政舉之明效也運使甘一驥額課無欠賢能足徵案候紀錄等因劄行在卷又申蒙三院會題清商課之有餘寬民竈之不足抵免過被災十一場四十五州縣未完課佃二萬二千兩見徵課佃一萬三千兩賑濟窮民一千兩於萬曆十五年五月內又蒙覆覈前項蠲免銀兩賑濟貧丁俱各

明白民霑實惠並無重徵冒領等弊造冊奏繳訖本月內又蒙兩院各一本會薦督理放賑司道官員以勵人心事內開山東運使甘一驥以贏餘抵公課蠲豁者一萬三千餘金按竈籍賑貧丁霑息者一萬四千餘命此一臣者雖於欽賑一事未經分理而推廣德意惠濟更多相應附薦部覆紀錄劄行在卷

甦竈困杜私鹽裕邊儲通商利議

甘一驥

查得高家港等十一場竈丁額鹽每引改徵折布銀七分五釐民苦折重相率逃亡包賠爲累愈累愈逃愈逃愈累目今僅存殘丁二萬六千九百三十丁尚該折銀六千三百二十三兩九錢三分節年雖蒙三院詳允抵解蠲免要皆一時救荒恤困之權殊非經常可久之策相應仍辦本色正支其商人憚遠情願就近收買者照附省例每引折銀五分四釐解司支銷商課既輕省竈自歡悅見存者樂業逃移者漸歸此甦

竈困所當議也豐國等七鹽場離海旣近離河不遠海水無窮灘晒甚多煎辦正額之外曷資私販之源雖欲禁之其道無由相應順商人之願從便收買就近截角官引旣通私鹽不禁而自絕矣此杜私販所當議也高家港等十一場丁地折銀九千六百六十五兩六錢三分係解遼東軍餉除地課並開州縣丁地共三千三百四十一兩七錢照舊徵解外其十一場殘丁二萬六千九百有零仍辦本色鹽八萬引有零內

查有置買田糧者照田入籍納糧當差外如止
係典買小房堆放繩蓆細鹽者但令上納門攤
錢此外不得附籍編累火夫以示柔遠通商之
意榜案正商之外有詐充商人影射者脫籍不
當差徭者徑自究罪入籍庶於人情事體兩無
差碍

歲解王府食鹽議

甘一驥

議得魯府各郡王食鹽竈戶自場運至省城比
之自場運至青州府者已爲極遠向稱苦累若

令其自省運至兗州府則爲更遠竈力奚堪相
應照舊長史司領進量動本司徒工銀每鹽十
引給來役銀一兩幫助脚費其德府本色食鹽
一百二十引零解不若總解之爲肅竈戶徑解
不若官吏具本啟進之爲恭及查德府折色食
鹽銀四百兩每歲春月本司具本差庫官啟進
其本色食鹽一百二十引自十八年爲始每歲
秋月本司催鹽齊足具本差倉官啟進不許一
引短少王鹽無拖欠之弊竈戶無勒索之苦王

度既昭諸弊咸剔公私皆屬妥當

鹽河議

廿一驥

查灤口下流見今上接新治大清河通行濱州
霑化利津入海以收寧海等八鹽場之利爲山
東梁宋之用並無湮塞無容再議其所稱鹽河
故道久湮難尋則小清河南無支經流青州等
府樂安等縣海滄等十一場入海者也國初山
東鹽河有東北二大支其北一支屬灤口蒲臺
二批驗所爲大清河灤口上流自東平坎河口

東阿平陰長清齊河而東入灤口下流經齊東
蒲臺濱州霑化利津入海以通寧海永阜豐國
永利利國富國豐民王家岡等場運鹽出八場
過蒲臺灤口二關而達運河此鹽河北一支屬
灤口蒲臺二所而通寧海等八場之鹽利者也
其東一支屬樂安批驗所爲小清河出趵突泉
流古明湖經篁不注山流龍山經章邱流消塔
沙三河經鄒平長山新城流孝婦河又東經高
苑博興流烏河其名烏河者一名乾時左傳公

會於乾時源出益都矮槐樹北又有系河者在
長山縣北二十里源出苑城店經新河界流烏
河而入小清河其名孝婦河者源出益都西顏
神鎮三里經淄川長山新城抵高苑博興樂安
東北達高家港又有泚河者在長山縣二里源
出米山自城南流孝婦河而入小清河又有乾
溝河者在長山縣西南三十里源出長白山流
孝婦河而入小清河名清沙河者清河一名繡
江在章邱東一里源出會仙山下合百脉泉東

西二麻灣泉西北匯爲白雲湖而入小清河沙
河在鄒平縣西三百步源出大峪山西北而入
小清河諸水皆由馬車瀆支脉河澄海口北入
海自小清而南上流則爲臨淄縣之淄河澗水
康浪水澧水爲益都縣之巨洋水爲臨淄縣之
培水石溝水爲沂州之東沭河西沭河沐河湯
河爲鄒城縣之大方湖沂河經徐州邳宿而達
黃河自小清而東下流則爲壽光縣之洱河龍
泉水王欽水爲日照縣之付疇河竹子河大兒

山東通志 卷之十四
莊河在萊州府則爲濰縣之濰河淮白浪河寒
浞河爲昌邑縣之浮康河七溝河爲膠州之膠
萊河洋河爲高密縣之張魯河五龍河白水河
爲平度州之雲河現河蘇村河黑水漱玉泉乳
泉爲卽墨縣之上液泉龍泉爲掖縣之南陽河
掖河白沙河萬歲河杲村河上官河在登州府
則爲招遠縣之萬盛河五濶河爲萊陽縣之五
龍河陶張河平南河爲福山縣之清洋河義井
河而登萊等府壽光日照等縣各有支河入海

此鹽河南一支屬樂安批驗所而通海滄高家
港等十一場之鹽利者也成化以後海滄等十
二場支河乾涸商旅不行邳州改行淮鹽開歸
改行河東樂安批驗所裁革而鹽河南一支故
道遂日就湮沒無復可尋矣十一場竈丁改徵
折銀每引七分五釐共徵六千餘兩捨其所產
徵其所乏而竈丁漸累漸逃愈逃愈累無復更
生之望以近乘開歸分認地方之會議豁所銀
復本色仍照附省竈丁例五分四釐支商歲減

徵銀一千七百兩而十一場貧窳庶幾少蘇顧
主六場水利湮廢窳鹽不售所謂洶濕濡沫烏
在其能蘇窳也窳河僅存者北一支大清河耳
灤口爲大清下流齊東縣間有淺處尚無湮塞
蒲臺而下通行濱州利津霑化入海大清上流
自坎河口築而鹽舟不達於運河至於山車運
三十里上船而商人始告病矣運河之水涓滴
不入鹽河加以連年旱乾商人舍舟從陸而大
清又幾廢矣幸蒙廟堂採議濬五泉建五閘以

復大清之舊以通寧海等八鹽場之利不獨山
東舊額五萬兩賴之卽梁宋新額一萬六千兩
亦取辦於此矣但往以十九場而應全齊梁宋
今以八場而應全齊梁宋源少流濶恐不可繼
明問欲舉鹽河故道而盡復之誠盛心也且樂
安北負海日照南負海登萊東負海古所謂天
府之國齊得十二焉而不得收負海之利豈非
有其地無其人乎凡有憂國憂民之心者不能
不拜明問而扼腕也竊念天下之事當與天下

山東縣志 卷之十四
之人共爲之百世之利當爲百世之規共興之
功不必自我出我開其端而俾後人底其績可
也效不必旦夕計今創其畫而俾後世數十年
竟其功亦可也蓋民可與樂成難與慮始驟語
之以興水利必疑焉而不信今且倣之以除水
害驟語之以開河通舟楫必駭焉而懼擾今且
引之以通溝渠庶幾其有濟乎夫一市之中必
有一市之溝不然市遇霖雨必害於一市矣一
村之內必有一村之溝不然村遇霖雨必害一

村矣况大而一邑又大而一郡不通溝洫不洩
下流豈不害於一邑一郡哉宜下令各邑畫圖
貼說某村之溝以某村爲下流各郡畫圖貼說
某邑之溝以某邑爲下流邑各率其境內合一
市之力通一市之溝合一村之力通一村之溝
合一邑之力通一邑之溝一邑下流有壅者郡
助之費以通之而一邑之水利矣一邑之故
道出矣郡之下流有壅者藩司助之費以通之
而一郡之水利矣一郡之故道出矣語云禹

山東通志 卷之十四
以四海爲壑又云禹盡力於溝洫善治水者未
有不通下流亦未有不自溝洫始也古今異宜
陵谷變遷凡可通處卽爲故道志書所載諸水
不必泥也凡可入海處卽禹之九河不必追也
時詘舉羸大衆未易輕動苟有溝渠以洩下流
卽可與民安堵不必遽望通海河興舟楫之利
也溝渠旣疏水害旣除故道旣出藩司又繪一
闔省水利總圖某郡之水由某邑歸於鹽河某
郡之水由某邑歸於黃河某郡之水由某邑歸

於海某處下流可蓄應建閘以蓄水某處上流
有泉可濬應導泉以濟水仍爲圖說詔後之來
者近而數年或遠而數十年時和歲豐物力充
盛必有能因時立政盡復鹽河之舊以通商盡
輸海滄諸場之鹽以惠竈盡通山海之利以還
先齊民物輻輳之盛者矣

頌

東路都轉運鹽使周信臣去思頌

至元庚辰進
士官學士 張起巖

國初設經理卽濟南府爲轉運治所中統至元始克就緒北海之濱西極利津列十二場濱樂二司主之萊登東徹海隅遵海而南放於琅邪其爲場也膠萊莒密鹽司主之厥後廢三鹽司而都漕分司蒞焉瀕海郡以邑密邇鹽竈民均食鹽於官餘則商轉以充歲正以給國用尚矣至元後元年十月繇中書叅議拜君爲使乘傳以來粵旣蒞止君爲之次第舉行者有皮貯之定所有舟車之定數有出納之定期有力勝之

定員有包役轉載之定直有輪買先後之定序有賞罰以程勤怠有罪償以警戒耗經畫綜理節便節約井井有條於是度地府城北之上洛口買田清河南壩界爲東西一區名之曰坨以受濱樂所入官權其筭畫然而如一商別其積疑然而成列門垣席圍覆護周密圭撮之微不失也監臨有員譏伺有卒姦惡之私弗容也所謂有皮貯之定所者以此括舟以轉界洛口之清河橋左卽場運以輪於坨場竈去舟車發就

山東鹽法志 卷之十四
運舟三十爲綱綱設官車鹽筴滿萬亦設官發
而適均至而如期者必賞以勸至而後期減耗
濫惡者必罰以償橋之右舟轉商鬻亦隸於官
不相紊也怠以濫者輒汰去之所謂定數定期
以程以警者以此於官之正登商二十五緡爲
苞索役食舟車力勝之須以輸泉則役先後爲
循環受鹽之次以輸力給役之丁爲着籍力勝
之屬所謂定直定序定員者以此廷議以其課
贏奏請加錫尙醞之尊金織幣帛迨於同僚幕

屬者至再也六年夏徵爲戶部尚書衆始刻所
謂變法有成頌於石旣又合辭言我尚書周使
君之蒞政以公道爲心無毫髮私政務克舉惠
利及人不寧惟是其推而見諸事者竈民給受
之以時而其力紓食鹽概科之放免而所患除
以後生之不可無教也索學官以司訓誨以鳩
集俸金之病重也營子錢以給公用至於祝釐
之宮虞舜之祠皆脩理而新之其閔子祠學之
主於我者門垣堂廡几席器皿必崇飭備具又

購地藥山爲義墓所是豈惟才且能而心之所
及力之所至實有以助昭代之仁政郡國之風
教吾黨宜永永不忘也表而志之以示悠久庶
於情文爲稱乃狀其事來丐爲去思頌余蓋素
知君者故不堅辭卽其所錄爲叙而詩之君名
信臣早以清謹自勵精於簿書其主管設施必
罄竭心思務飭於公是乃已凡典故章程規式
暨源委根柢周知洞曉故見之用者如此別歷
中外號稱廉能一節自信操履不渝人皆知之

其於金穀出納會計豫稱其練達者尤無間言
云頌曰於惟周君材浪職通耿耿丹衷夙夜在
公繁會益擾鱗雜弗訂恢然有容表於臣工海
濱鹹嗟粵梗以滯誰爲詢謀往釐其弊輿論歸
君曰閑國計爰疏其流爰剪其翳君旣至此載
度載咨乃探其歌乃知其隳人駭且疑我亟勇
爲濟職於夷卽安易危天道循環廢興遞代起
廢而興繁材是賴材爲時生倚任攸在猗叅贊
功位育均樞叢錯阻難必也廓清惟賢與能其

責足勝如醫之良病者以典如燭之輝闇室以
明法施於民惠利安享績聞於廷錫賚嘉獎昔
也墊溺今則亢爽昔也貿逃今則宣明君復朝
聯人懷其善琢石領美不程以勸公道允昭久
之聿見後百千年同符佳傳其操臣將至此
齊記
公兼巡鹽察院記
嘉靖甲申秋仲山東巡鹽察院成御史古洛景
公進提學僉事高尚賢謂之曰鹽課古今之須

也禹貢青州周官鹽人吳雄煮海齊霸鹽筴後
代損益而已仰給一也我朝地廣倍昔政亦善
昔其壤灌淮浙滄潞其產井池陂澤其務煎撈
輸輓地有攸司官有攸記懼其無以綱之也廼
監之憲臣以登降其吏之賢否罷行其事之利
病視巡按清軍均也唯是山東且古青州之域
鹺之上矣而按無專館缺典也哉藩臬長貳林
公廷珍潘公王卿等議地於清軍察院之左曰
宜廼計權羨簡吏能以請於余余趨之而且速

之成夫鹽利佐國十之二三人恒居非此卽不
味五齊之不和六味之不平而生理亦幾困矣
故世治則流世衰則閔是鹽之寢與天下盛衰
之繫也非有重臣誰董厥事自夫有監臨也商
不病殖民不病味官不及侵盜不及逞而利亦
需國是巡按之有無鹽政通塞之繫也夫居定
則志貞而政預否則席無定煖牘無久徵而志
或憧憧政由茲貳察院之設否又非巡按之所
以輕重也哉地也而之官官也而之政政也而

之國厥係亦博矣而乃今適成院以肅憲憲以
表藩前乎是也者志之有昭後乎是也者守之
有繼可紀也院地廣輪凡若干尺中後堂各五
楹重門率減堂制之二而穿堂後廳書房如之
旁之廂房又概諸此而加一焉言言翼翼細大
咸飾厥度視巡按清軍察院而高廣之其謀之
也巡鹽桂陽范公古閩鄭公浮梁盧公潛江初
公蘆江黃公實首之其贊也巡撫靜齋陳公南
皋王公巡按四明孫公清軍平崖林公實協之

畢務則運使歐陽君誥知府鍾君梁者屬焉厥
惟大較也子盍爲我記之賢拜曰遠哉先生所
謂計國之說也賢何加焉先生按歷三國時未
之期而害塞利通豺狐攸伏官民至止有泰山
之瞻焉居又借公之重而公非得居之重焉已
也噫後之居此者寧我之重彼也毋彼之重我
也則景公之志與是居永矣因推而記之

巡鹽察院題名記

參政江

嘉靖乙酉秋八月柱史豫章鄧公奉命董正鹽

法至於東藩乃曰惟茲臺宇肇建旣責諸珉顧
題名尚缺罔以昭厥後爰稽自昔以迄於今凡
董茲采者厥五十有五入遂俾運使歐陽誥勒
諸珉且俾曉記之曉惟珉以勒名記以章之式
圖有永其曷敢以弗交辭乃颺言曰昔禹別九
州海岱爲青州厥貢鹽絺越若成周乃設鹽人
以掌厥政合迨管仲相齊肇興鹽筴國用富強
歷代因之國需邊餉咸有攸賴惟厥力孔博故
厥弊滋多式克釐之乃濟誕惟我朝稽古定制

爰建運司俾率其屬以經鹽法猶恐弊或未釐
簡命柱史以廉之肆前聞人罔不欽若或正色
率軍或以公滅私或彰善瘴惡或翼翼秉爲用
能釐厥弊以肅厥度時乃罔不休惟公經德敏
學夙有令聞肆揚於庭使於四方式宣帝命周
詢民瘼乃以直諫謫教辟雍忠清鯁亮時有不
譽豈惟多士式之越我皇上嗣服之初簡在左
右惟再具攸司俾匡俾糾矧茲巡於甸服以及
東藩丕則三德祇祇臧臧俾弊用丕釐度用丕

肅以休於前政繼自今彌違熙載以介斐我皇
明名庸紀於旗常豈惟茲珉曉不佞尚敬禋之

巡鹽御史題名記

御朱廷立

鹽筴自管夷吾始也代未之有改焉明興日地
之財也國之紀也惟人乃理其以御史監於緒
司以率於度乃嘉靖十五年與槐謝應午氏奉
是役於長蘆及乎山東已乃督學北畿荆陽李
子雨氏代焉相與議曰東土鉅藩謂非我等所
嘗在公者耶天順迄於今無題名者是闕政也

則檄濟南守司馬子成之樹之院中因以問記
於予予曰嗟二氏者英賢之選也彼無見乎君
子者修之家達之國縱之順適投之盤錯皆其
立名之地而顧藉於方寸之石哉然而立名者
以考德也題名者以相觀也其致一也何言乎
夫鹽政者以食其民以足其國者也國有餘而
民不足也民有餘而國不足也政弗平焉况夫
賈瞰其隙吏失其守無賴者逞其暴法過峻則
事激而弗通情太恕則利逸而罔效夫政之平

亦不易矣御史者順時之宜以弛張夫法者也
法善而後利興焉御史或一易後至者無亦鑒
前人之章乎按其名肅乎若接其面也迹其實
霈乎若聆其言也舊則新之廢則舉之相觀之
道也記曰相觀而善之謂摩斯其爲考德也已
斯其爲立名也已故曰其致一也予不佞嘗濫
竽臺中與有斯役於淮矣淮題名猶東土也故
於名實之間而竊聞相觀之道也敬以爲記若
曰茲舉也志無忘焉殆淺乎知二氏矣

山東鹽法志
卷之十四
運司題名記

翰林學士張翥河東人

熙朝列聖相承龍奮朔土奄定中夏財賦殷興
跡蹉征琛課尤爲重焉以其不瀟於民取天地
自然之利故也聿循古制爰於山東河南河間
各設都轉運鹽使司仍遴選名望清慎之臣俾
提轉運歲供國課不乏其責任之重不爲輕矣
比年多故山東鹽賦不通官府廢弛凡數載賴
今總兵承相河南王能繼前齊王恢復之志削
平山東乃復設轉運於時以舊運司公廨改建

齊王廟祠其西密邇之地別剏公廨煥然一新
若官若吏俱有次所逮至政二十六年以前海
北廣東道廉訪副使萬公公義中書右司員外
郎虎公仲亨中書戶部侍郎王公景鎔偕遷選
爲轉運使三公協同心力恪盡其誠務多轉運
之方恢辦大課以紓財用厥功偉矣忽暇日闔
司議之曰亂則治矣廢復興矣宜勒石以題名
因記一時之盛且使將來指其名而議之曰某
官之清望如此某官之廉幹如此某官之貪墨

如此噫後之視今亦猶今之視昔爲國爲民各
知所警云

序

鹺政序

爵里失考李維正

叅知甘德夫之爲山東都運也屬歲比不登鹽
河湮涸請於上蠲竈課之積逋者金二萬一千
九百有奇而皆爲代餉於邊所得免追呼州縣
四十有五場十有一又賑其無告者金一千七
十有奇所得免死人一萬四千有奇又爲淪濟

源建五閘以儲水通舟楫垂齊魯永利誅其金
二萬七千有奇又償商課積逋一萬八千有奇
又議復遠場本色正支歲減徵金一十七百有
奇於是山以東薦紳學士大夫若田父走卒若
商賈若亭戶佃民若諸臺使監司郡邑官屬若
大司農交口誦君之賢上命晉令官仍領都運
使而是時余承乏梁梁告凶蒿目而憂之倉無
見粟京輦諸邊之餉檄督急於風雨安所可蠲
且賑也而况能役大衆舉大工爲則怪君豈有

異術耶東人以君所爲讎政相示而知君非有
理外奇舉大要以廉勝耳先是商負課至數萬
金其弊在大豪冒商領引而闖入鹽在逋商玩
官而不畏法商於官朔望上謁謁有籍不至有
罰月有供供不備有罰而又昂其衡或百金而
贏十諸爲鹽司者往往厭薄是官意氣沮喪大
豪持其短京師有力者爲主莫之誰何以是商
大困君下車裁諸商供億不得以半粟隻雞溷
乃公齊廚而逐諸爲姦利者一切關說絕勿聽

豪與署之宿猾欲迫撓君無所得始相與革心
聽君約束而商困大蘇願及君在爭輸課課乃
溢歲額君察亭戶佃民實困不能輸者以所羨
當之而蠲其逋更羨則以賑更羨則以建關不
六七年而以八萬金償十歲逋活萬人命創百
世功其貲若天降地出然者語曰廉生威威生
愛豈不信然哉國家日討論吏治民事興敗所
繇必先廉吏立久任超遷法以激揚之獎廉崇
實之論燦然具備甘君爲守四年乃得都運爲

都運八年所建樹若是而僅得以察知空各取
過庸不篤廉吏可爲而不可爲古今人情豈相
遠哉余讀君離政數廢而嘆也蓋難言矣

世叙計部離司問答

濟南光生廬

甚哉水之爲利害也轉貨漑田國用富強管夷
吾收其利已讀瓠子之詩間殫爲河地不得寧
爲害滋大夫利害何常唯人舉廢余深有感於
兩君子之用心良苦入齊魯梁宋之間耜刺網
布烟火二千餘里戶口食鹽者何限屬者疏大

清建五閘功用旣興一船之載當車數十鹽貴

極則徵賤商民兩利之矣第小清尚堙海洽久

廢僅僅一大清何以繼焉且水之衍溢者滙爲

巨浸昔胡以利今胡以害司計者寧能晏然已

乎夫如珠如霧唾者唯一溝澮河渠水流無二

今之議小清者不必盡追禹跡唯是守土之臣

人尋其端及其委端復爲委委復爲端大較由

溝澮以距山由川以距河海孰非故道此夫力

協而功集害除而利興者也司徒塞公慷慨大

計開誠廣益甘使君覩指知歸同聲和之願不
偉與不佞廬生長二清之濱考信於文獻久遠
矣猶然管邳窺也兩君子履任我東土如寄豈
嘗童而習之哉乃今鏡照總孔縷析源流若列
眉然古大臣存心經濟可見矣夫已事之成算
來事之師也萬世之大利一旦之藉也後之君
子有意乎我東人者尚其考於此云

議序

官失考趙世卿
稷門人

姑尤聊攝之間亦一都會也昔自在古維茲青

社實肇礮礮地故鴻鹵稱海國然多魚鹽之利
亦足富疆故齊冠帶衣履天下其後稍中衰夷
吾修之桓公以霸則因俗爲治之效也今獨非
營邱邪雞鳴犬吠轂擊肩摩由是也一遇公家
之供輒束手上下告匱豈其戶口物產耗敝變
置今昔隻殊哉亡其操之者失其道爾今見煮
海鬻鹽之徒逋負日多遂用一切督責以爲非
武健嚴酷惡能勝其任乎不知我無以握其樞
端其源徒日汶汶與衆爲政乃惟其俗之罪卽

使圓扉填溢桎梏山積令愈煩急卽以逃亡自捐之若急終無以輸上則爲我慘礪下則有離上積逋之名是安可日地重難動搖也人情不難以財自輸而難乎以義相勸吾不難齊民以法而難於孚民以心今觀德夫所移牒若條爲記非有異術細政慘苛科方互設有不便商竈者捐除之書策稠濁胥人陳椽其間啜汁我商竈者爲鞠治之凡與有衆約才八章耳如所云稽完欠酌後先等輕重劑量顛若畫一於法不

骹於情勿拂旣以報可中丞臺若柱史臺不見謂沮格舊章取民爲譽數十年億政一朝嘉興衆庶更始乃其商若竈亦旣喁喁傳相勸課無失其徵會惟恐詣曹對簿負使君治理效者由今而觀慶曆以來積逋累鉅萬冷乃灌輸如水之流我無敲扑束薪之勞下有趨役急公之美各有藝極無相欺謾唯是役唯是蒞五年如平日而治行稱長者則能心相孚焉故也而其要則有所不欲矣不然舊貫則仍朘削自益享匪

公牢覲用私幣供億靡極費出罔經其商若竈
相與狎焉如家人一堂之止各惟其適法爲情
掩方且泄泄然謂吾易與卽有奸如山任之耳
又安能知之然後乃知德夫所得於積習之後
以佐公上之急者蓋本之乎不欲使人家自爲
督人自爲勸爾語曰何居非其宜何擇非其人
今獨非營邱邪何前見誦而今見盈未聞操行
純白之域而遺力讓賢者也余既有概於德夫
蹇政之大而論著之如此

商書 蹇議後序之一

濟南光廬野史

都轉運甘公煥休我東人六年如一日我東人

欣欣然歌舞之無間民竈矣在昔夷吾柄齊制

國二十一鄉陳錫載周其勢便也明興民與竈

異籍司蹇計者亦僅僅成於竈而不致力於民

則曰非吾蒞焉公履任來歲比不登國計誦戶

口墊隘無所底止蓋憫然念之曰佃田煮海之

氓皆朝廷赤子以山海之利振元元之急固朝

廷德意乃爲設便宜條利弊商人勸課繼至而

輻輳無何興水利補逋責蠲佃額賑饑荒不愛
以奇羨奏庶績而幸群生於國計固弗損當是
時商不資車鹽不踊貴佃田煮海者無捐瘠流
散之苦四民無所不利焉其無乃慕義無窮觸
類長之而不謂侵官惠溥於州縣四十有五而
不謂離局何者智足以當世取舍出於不欲而
已豈不功倍夷吾光燭海內稱名世哉假設以
筐篚是務局趨是安不染指則束手罔措者耳
商竈之不孚民於何有嗟乎古有人存而政舉

者非耶公之役及甘棠矣余曠穴去也聞諸百
姓之相告者如此敢附次君子以云云

又商榷議後序之

晉里

周道南

余小子負笈渡江淮歷齊魯溷叅知甘先生錄
牒得寓且山東鹺議諸書深嘆先生之爲國家
任事也夫山東鹺利所從來尚矣近乃稍稍稱
敝癸未春先生履任來畫便宜條利弊與衆約
者八章而首之乎裁革供應以故不繁敲扑舉
數載逋責計五六萬完以報不亥齊饑請捐額

羨千金爲賑萬金代餉於邊齊民荷蠲豁者在
場木有而在州縣者四斗有五又念遠場苦拚
重多竄去爲竈病商正支不及十五爲商病請
復本色照附省例支商在遠場歲減徵千七百
金在商正支得十九焉又淪濟源設五閘闢大
清門戶垂東人百世利夫身不在民社則註惟
及商竈見不悉衆利則一利未必能舉算不逮
百世則卽目前之近而或遺慮不識窮之當變
則斥斥焉膠其故常而苟有賴於其間則又動

輒曳掣而罔遂其若國家事何何任之能爲也
余小子固目是書而知先生之任事又目是書
而知先生之所以任事藉小子阿好乎有東人
口碑及諸大方君子之言在

運使甘一驥三世思綸後序

查志隆

西浙人

皇明令甲凡臣寮歷三品考績則思及三代而
外官非治行高等者弗與焉誠重之也豫章甘
公司齟之二三年考績奏最簡在帝心特下璽書

推恩三代如例公自筮仕以來凡四更秩卽四
膺恩命其所褒錄於綸音者於比部則曰議讞
精詳操持平恕於臨郡則曰尚德緩刑移風易
俗於今齟司則曰清修足以廉頑明察足以祛
蠹天言炳炳昭如日星惟君知臣公所謂砥柱
中流者哉自古國家不可無砥柱之臣夫世變
江河狂瀾蔽天諸皆揚其波而承其流不者與
之共浮沉爾仕路皆是也則何以維國紀而植
世道語云天不爲人畏寒而輟其冬地不爲人

畏險而夷其阻君子不爲人之洶洶而易其行
此砥柱之謂也而公實以之往者柄臣嚮意操
切以風仕路鮮不附勢合變競爲武健嚴酷而
公獨不然自比部迄臨郡一切務爲寬平其大
者如世方丈畝而公議停丈世方棘歛而公議
蠲夷糧世方汰生儒而公議赦州學寧以其身
忤時好毋寧違吾學道愛人之始願至於經畧
夷方計擒楊紀媽容劬龍文現二孽羈縻龍起
祿萼誥諸會長奇正互用恩威不測斬爲封疆

規百世之安而毋寧炫赫勞閤以徼上賞凡此
皆人所難也臨安尸祝且世世不衰刻石以志
去思因梓其政實行於世曰守臨案稿云比歲
易暴以寬破觚爲圓仕路又爲之一變會公下
車東嶽正彫敝之餘官民俱病矣人謂公且因
循徇時而公又不然勵精淬志講求利弊之源
條列其事上諸當道而力行之若引目則嚴陞
擦若徵輸則明期限若引價則禁勒索若守支
則寬邊商若鹽筋則復酬勞若鹽票則便印發

若課規則飭州縣種種較然畫一而要以作法
自已減供億慎追逮省禁令弛諸彌文不急務
在通商恤竈導利振滯而已用是商販饒於息
而人人自樂輸權賦絀至數年間不惟盡償積
逋五六萬有奇復捐羨金請修水利者鉅萬計
歲蠲縣場凶荒而代之輸課者又鉅萬計凡此
尤人所難也東嶽亦且尸祝不衰而部使者移
檄梓其規畫以垂憲曰山東嶽議云夫公當苛
刻則以寬平最當廢弛地則以明作最屹立於

世變披靡之中而挽回其頽風謂之砥柱詎不
其然余幸身承公教範盡得其治行至熟時從
公談天下事品藻人倫商榷性命退未嘗不充
然益也嘗論公質行可對神明而操修猶日兢
於道才諳高出萬夫之表而謙撝下士俾人各
獻其能韞藉宏深於世故無所不該括而絕不
爲城府與人輒傾肝膈累宦程功足早致卿相
之位而不就援引以取速化官居三品衣無重
采食無兼味而矚然於泉貨之區一毫不爲染

指其素所蓄積深矣砥柱必時至乃見大賢必
世泰乃顯聖明方銳意唐虞三代之治公旦夕
寵膺殊簡柱石廟堂世道其有賴乎

碑

參政唐源潔修大小清河碑

正統進士官
太子太保 劉珣 壽光人

濟青之區有河曰大濟曰小濟小濟之源出於
歷城之趵突泉中滙清潔孝婦諸水東北抵樂
安高家港達於海大濟則濟水渠也自東阿之

張秋東北抵利津富國鹽場達於海往年舟楫
浮於二河商鹽便於齊魯諸道水利鮮與爲儷
自永樂初以來堙塞不通水失其經一值天雨
茫茫巨浸壞民田廬弗以數計乃成化癸巳冬
叅政唐源潔分巡海右言於巡撫左僉都御史
年公曰今二河爲患守土諸君子以頻年饑饉
民不任勞爲辭彼不知救荒之中有可以興利
者役民之中有可以濟民者惠而不知爲政惡
在其爲民父母也疏河之責某請當之敢告都

憲公曰天下事事當預圖斯無患卽率屬理之
無食之民食之而役之庶上下兩得吾知若必
能辦此源潔遂躬任其責焦勞靡寧擁節宵征
相視地形令水工準高下自歷城濬至堰頭又
至樂安小濟通矣自張秋濬至平陰之滑口大
濟通矣大小濟旣通水行故道退出鄒平等邑
膏腴可耕之田數萬頃民用大悅其河內備淺
又置瀦水閘防溢置減水閘閘旁各鑿月河總
壘閘二十有八濬通水路五百餘里於是青船

入於濟濟船入於張秋人大稱便

又置運使王臣去思碑

長史艾俊大梁人

鹽有九種用各不同大禹任土作貢而令青州貢鹽以其產於土中味甘如飴可供王者之用於以便民於以益國三代以前未有權筦之法肇利鹽以資國萌於齊桓滋於秦漢蔓於魏晉唐宋之間司非其人而能久於其職者蓋礪礪其難哉洪惟聖明興利革弊謂權鹽莫若通商募商輸粟可以足邊儲而救荒政以時給鹺商

獲其利乃古今之良法也顧權者何人焉關右

蒲城王公臣字尚忠以成化甲申名進士拜地

官尚書部主事歷員外郎中沉靜有容廉謹夙

著英子春榮膺簡命出為山東都運使下車之

初以身帥下公正而行之無何舊弊宿奸莫

剔殆盡上下靡不趨趨稱快則素常德政之美

從可喻矣及瓜有期巡撫都憲錢公明於知人

素慎許可察公之行疏實以聞謂能始終清節

而不渝且復政平易而譽老成宜推薦以勵賢

能可謂善最俱優也歎以是濟南商民若黃聰
張鐸姚龍洪聰柴鴻許瑾輩議曰奉勅巡撫各
公重吾使公尚爾矧吾儕蒙惠可不表諸顯乎
因相給工伐石勒去思之記惟王公政成之餘
積公入之貲不私於用後建思正堂十楹退與
同寅謀謨而行之東構友山亭以法古人精思
之意西營儲書院而效公餘必讀之勤其不爲
私計也審矣民被澤久嘗具詞當道借留弗果
今任滿不能舍去相樹去思之碑焉噫人惟有

德於衆故思而不釋凡可以觸於目而動乎心
者未必不爲後日復見之思也嗟夫心之官屬
思心豈徒思哉惟使君於商民有不可忘之德
故商民於使君有不能忘之心然王公之志固
不期於衆心之思而衆心自不能不思王公耳
後之誦若記者詎不嘆巡撫錢公之知人而慕
王公之賢也耶爲之贊曰卓卓王公彪外弼中
蜚英金榜粉署登庸簡命權嚙事至從公靈臺
一點上與天通堅持清節勁栢貞松挺然特立

絕壁孤峯惟廉惟謹度越疇同老成名著平易
聲隆明公高薦一鶚橫空名聞當宇澤入民衷
流芳千載仰止高風懷公德政山高水溶

運使向文璽去思碑

爵里
失考 杜 泰 而 慕

大明嘉靖三年癸未春二月荆南向公以山東
運長致政南歸商氓素沐公仁政僉謀爲不朽
乃採石勒碑徵文表思屬方山杜子泰記之初
公之由廬守而移官山東也廬民相與建祠肖
像留衣作頌惠流兩國春煦人育仰愛去思不

約而同蓋公誕應天衷問學浩博聰明仁哲篤
恭孝友休休焉紆紆焉謙光委順淵乎其不可
測惠然其有可卽其敷政也澤欲下究而不撓
於豪右道欲大行而利害不怵焉在廬右學尚
文譽髦丕變至於勸農有書救荒有策牧馬有
條通市有紀鄉社有約他如汰廬江之汚吏剪
無爲之士豪大夫士贊之記之銘之昭如琬琰
此總轡政不一載而逋逃之下清徵鹽之法立
巨奸偽造假引詞連宦廝豪猾冒支國課費累

鉅萬公覃精究察悉真於法古所謂不畏疆禦
而愚不可及者豈其人邪凡在有識咸謂公將
太沛所蘊以潤奧區剗淫慝以蘇貧弱乃竟以
鋤疆構隙齎志以歸人以爲公之歸公之幸群
生之不幸也予獨謂公之所能者天也其所不
能者人也公之所持者理也而其所遭者時也
時有時而或變理則無時而可違人衆固能勝
天而天定則能勝人經也君子之所守也幸不
幸公不與焉雖然竊嘗聞尹吉甫送仲山甫謂

不侮矜寡不畏疆禦說者以爲宣王之中興諸
臣宣力也今聖天子懲武皇之後銳志中興建
元嘉靖有臣如公者竟以此歸吾不知復有尹
吉甫望將屬之誰邪後有疆禦當摧抑之又將
屬之誰邪疆禦可畏則善良將屏息淳風不知
何時而可挽吾道不知何時而可大行也吾又
爲世道有慨焉公名文璽字國信湖廣荊州府
宜都縣人登弘治乙丑進士與予爲同年云

運使何其高去思碑

參政楊學禮

碑以思名志德政也思以去名志不忘也嘉靖
丙午自吉安守擢運山東惟時饑政之弛久矣
公剔弊發奸導利興可內自計臺外及場竈綜
理籌畫巨細畢舉犁然宕然百廢一新於茲凡
五祀矣公下車之初囹圄有負課者產絕莫償
頻死於錮公閱獄惻然曰是得若干銀卽生矣
遂出俸貲償官而釋之活者數十人故時有捐
俸銀以空囹圄之頌已酉齊饑例籍竈者悉仰
貸於有司公曰吾爲運伯竈民吾赤子也將誰

委乎躬修荒政區爲賑恤是歲竈民不知有歎
故時有公賑貸以舒民困之頌運鹽漕渠瀕海
迤西祗設一關驗覈旣疎私販莫禁公披輿圖
相要隘復設重關以嚴覺察而私販者息肩矣
故時有設重關以嚴私販之頌鹽課舊有折布
貯之登州歲久損壞公曰國何益乎卽辦折銀
由是國課易完民免輸輓之勞矣故時有辦折
布以裕國課之頌公政事之暇檢閱倉鹽歲有
餘羨皆公之有也公不有之悉分給學宮以周

貧乏如是者屢矣故時有崇大本以優學校之
頌公兩入覲費有常規皆出自公府公曰自濟
達京十日程耳何費乎悉卻之秋毫莫取故時
有卻常例以肅入覲之頌批驗鹽所舊無定址
商貨堆貯苦於侵漁公舉廢典而成之置園建
役防守而鼠竊者無容計矣故時有建鹽園以
杜私竊之頌膠萊濱樂額有分署歲久頽傾催
課不行公申飭有司葺復之輪奐一新情民知
警而課政舉矣故時有修分署以便催課之頌

運鹽關隘既嚴而私販者尤作公設浮梁以限
之俾私販者無由以擅越矣故時有立浮梁以
比關隘之頌竈民應役者舊無定則吏胥得高
下其手致勞佚靡均公令編次以籍週復始焉
於是富無不慵之身貧無豁役之優矣故時有
公輪次以謹差撥之頌故公蒞運三月而計臺
清甫期而商民悅三年而鹺政大成是歲之冬
以邊事告殷聖天子側席顧後陝西大叅之命
下矣致政知縣劉子仲陽縣丞馬子聽謀諸衆

曰公衣履可留德政不可泯也與其遮公於一時孰若播公於不朽乎相與鳩工磨石持狀踵門屬余記之余疎慵林下淹於文事但素佩公之雅愛久矣辭之不可作而頌曰美哉洋洋乎白坡公之德政也其諸古之遺愛者乎余聞仁人君子在朝廷則朝廷重在邊圉則邊圉重在諸司庶府則天下重公昔在栢臺有聲以不畏強禦出補州牧州牧有聲三擢計部計部有聲領郡吉安吉人至今思之則此東藩巉政特公

道德之緒餘政事之一端耳公名其高字抑之別號白坡登壬辰進士云

運使賴嘉謨去思碑

副使 劉宗岱 濟南人

粵客歲己卯春古萼賴公之修建灤口鹽園也諸商鄭朝聘等德之因請爲記以垂不朽公遜焉而轉謂予時僅爲述其概至於頌德紀功皆未遑也未幾上疏求歸乃諸商爭走兩臺諸上官乞留之及歲杪將入覲而有蜀藩之命於是諸商知公必不能留而無以爲計也則相率謀

去思之碑生祀之祠復請予爲文予曰若等所
云誠盛德事然自有斯署以來未有也抑何以
得此也哉乃合辭稱曰吾儕斯請似私而實公
雖出乎下實關乎上自有居是職以來所未有
是以不可無是舉也夫是職秩非不尊而權非
不專也但仕人率厭薄而羈縻視之謂爲聚利
之區而日與商賈者齒多非所願矣公則不然
其始至也適值廟堂新議選有才望者除此職
公既素負厚積又矢心殫慮爲之於是剔蠹易

弊通變起廢懲吏胥之奸革催科之擾絕僞商
之影射循歷年之次序立蒲臺關之號票建樂
口關之鹽園及新水關之巡緝遂使私鹽杜絕
夾冒衰止騫越安弭至於片言折獄不逆覺詐
閱衡致平上忠於國下惠於民而吾儕尤親被
其澤者安能釋然於公耶予聞之曰嘻有是乎
斯出之若口者卽碑矣足祠矣又奚待予言哉
今夫運之於商不猶令之於民將之於兵乎抑
商以求富國是猶之剝民以奉君羸兵以強敵

其不至於交困而俱弊者幾希是以循念愛民如赤子而良將視兵如嬰兒蓋理之不可易而勢之所必至也公之於若等謂非是類也乎且公之恤若等豈徒若等被之而無裨於公家之利哉若等正享公家之餘而爲是感焉者也往嘉靖間值引價太翔而有積年廢引數十萬未補一老黠商知爲奇貨自身出訟之嗾臺得下本司議名爲疏通積滯然實欲俾大利於諸商以自營時方缺正使乃括群商金若干啖胥吏

以重利忻然爲行之且有日矣適蜀何公至知其無賴於國遂一切報罷衆大失望而惟有識者服其得體然欲使其如若等之德公也能乎哉彼不使商獨罔重利與恤商而兩利者均有益於國也然見怨之與見德則殊矣然不得避而不能却也惟其遇而不以己與之耳由是觀之若等之爲斯舉自有所不容已也公則何與知也哉至若內郎名守之著聲光俊文章之薦剡臺省槐棘之會陟顯功烈流休光又公不自

居而無待於贊揚期待者也如爲述商人所請者以答之如右云公名嘉謨江西萬安人嘉靖己未科進士

重建灤口批驗所碑

教王禋之授

嘉靖乙酉孟秋望後二日灤口批驗所宰仝仕謙訪余而請曰敝所舊有廨宇久傾廢官吏每僑居民寓前都運向公甫下車知之以爲斯吾鹽法之關扼也建奚宜緩於是計費請之大巡古閩鄭公可其議委司經孫君紀董厥役肇工

於嘉靖壬午仲夏告成於本年仲秋凡刱建前後廳各三間前後兩廂房各四間外有大門內曰儀門各一門儀門之外攢典有舍吏舍之北土地有祠左右並峙三間週圍繞以崇垣煥然於大河之側不惟官吏享有棲止商人樂有依歸自是財力省而體統嚴齟政修而人心肅矣興復以來歲凡八易第恨無記以識其事思欲勒之堅珉以垂不朽敢求一紀之余以鹽之利於世也大矣我太祖高皇帝稽古定制於凡產

鹽之所建官以司鹽法而批驗所又肅鹽法之襟喉也廢而不修是弛其法矣向公斯舉其得司鹽之要與且聞是役之興請於憲臺者以百金爲計孫約而用之原計未及工以告成民無告擾其廉且賢不可尋常目也向公時制民竈各有定籍不相干涉憲臺罔知竈之累惑有司之請檄令竈戶公當民差孫力諍臺下反覆不下數十百言遂蒙收回成檄各仍其舊至今賢聲載道奚翹一所治之興而已也向公以剛直

之性不協於時急流勇退時論惜之夫無所爲而爲善君子之所深與也向公去矣孫司經任滿且擢矣仕謙能捐俸建石以彰二公之賢於數年之後非賢而能若是乎

重建蒲臺批驗所碑 嘉祥知縣 康科

東海斥鹵可煮爲鹽天造地設裕民之利也國家養民制利必設官以禁之故我太祖高皇帝龍飛之五年特於榮蒲威肅門東北建立批驗所蓋以邊儲國用民生之利多資鹽課蒲北一

里大清河發源梁山經過齊濟至蒲東過利津
流入於海此鹽路之所必經也防護不周則私
鹽盛行官鹽闕阻邊儲且告急國用且告虛民
利且不通批驗所咎將誰諉哉夫自兵荒相仍
官吏因循公廳私第建於前者頽於後頽於後
者去其基已數十年矣張君躬案牘之勞始得
拜此官歷任未幾深以爲憂屢請於運長任邱
邊公運貳通州靳公得允遂捐已俸之半及客
商之資度地興工不數月復其舊址煥然維新

蓋越月廼托商人薛蘭輩請予志之予是以怪夫
攻利自私者日傳舍則曰吾僑居於此歲滿去
而委之後人後之人亦復如是苟延足矣殊不
知職之修於官利之通於民用之益於國儲之
足於邊者皆所以助於公上也豈可隘所見以
自私哉孔子曰百日之蜡一日之澤賜也且不
知之無怪乎攻利以自私者之皆是也世有食
君之祿享民之奉而不憂君民之憂秩不榮則
憂之祿不豐則憂之巧墁毀圯一概漠然視君

輩爲何如人耶君名旺宗設禁有法勒南山之石以俟厥後予因有以觀其存心云

樂口批驗所增修鹽園碑

履歷 劉宗岱 詳前

山東鹽筴蒲臺樂口各設一關皆隸都運使而樂口尤爲要地蓋蒲不過驗放船運而樂則兼收發算舟車贍積貯便公私詰剽竊法易弛而弊易滋抱關者憚於申理而姦宄者利於疎禁蓋自濫觴以來至嘉靖己亥則公私皆困國計

商閱日賈而折矣時則諸商訟於鹺臺舒公議令市河北地七十八畝河南地六十三畝九分以爲貯鹽之區然而未園也暨嘉靖戊申蜀何公來任始於河北築順流二園河南築通達二園但規模狹隘歲久易於頃圯今萬安賴公嘉謨甫下車卽留心經理於是關引立批驗之法撥引立挨次之法蒲臺有號票以謹驗放樂口有號票以謹裝運過關半月一報卸鹽五日一報凡所以釐革而防範之者靡所不周猶以園

不增修則寄頓私竊那移影射之弊終難杜絕
遂因商人之請申舉於鹺臺朱公行本道監司
命尅期就之以於時政最切所宜亟圖者也乃
委運同林公應雷會府同許公際可查議而林
公仍總攝爲復詢於商之綱紀僉謂官鹽之壅
由私鹽之盛其弊皆起於職署不嚴法制未備
耳且屬垣崇築猶有正晝穴之者柰何慢藏露
積而欲免鉤竊鼠掇不可得也議當廣園莫之
先矣蓋卽先後之請鹺臺者而推廣言之然又

恐費出公帑請給多至留難則將復如前遷延
四十年所無異道傍築耳今官鹽旣行商利自
倍雖輸貨應費孰不樂從乃各占引銀出商人
者十之八而以官足其二准前曾規畫外宜增
買民地河北則三十二畝一分一釐五毫六絲
河南則一百一十八畝四釐七毫一忽而以舊
園併爲流通二園新者置爲順達二園又於河
南查出廢署一所原地一十七畝七分三釐添
署民地一分五釐別立一園以積歷年未起之

鹽各園皆有門廳又添退廳廂房各一以便公
委掣鹽者退食晏息之所以園外隙地僦人居
種取租及扒子錢命司者籍記以備額稅修葺
之需又以垣不葺城復隍可待悉木幹而瓦覆
之及碁布警舖以便邏人栖止於渡之西北高
岸添設津關一座門廳兩廂皆如園署之制以
衛官風厲者專譏私越經始於六年八月歷今
年四月事將竣林公以遷秩行今運同王公懋
廉來代其勞遂於五月告成焉蓋不浹歲而飭

陋成美拓舊取新矣是役也雖齟臺允行而石
畫督理則賴公之力居多焉諸商感恩有日卽
以碑記請于公公爲之稽故事得勝國至元間
都運周君去思碑內有在上灤口買田清河南
壩界爲東西二區名之曰坨以居商鹽因是知
自易世以前居鹽已有其地且述衆商之請見
屬宗岱曰自己亥各商告建園堆照先規工起
已有次第矣緣未立碑記旋被侵佔今可稽者
僅強半耳河北乃畝數不軼者則以與所相聯

有侵易勘也倘不碑記諸商客久必歸及經預
之人或至物故將復如前沒滅不可致詰矣幸
賜名筆紀其始末并歲月庶不踵弊轍可垂諸
永久也鄙人廁公年末辱命不敢以不文辭則
勉爲述其大都惟公采錄焉若其地至畝數及
房垣座數課率及收租額目仍宜刻之碑陰以
俟後稽者則又惟公裁示之矣外經歷劉起鵬
知事岳九巖皆與有分理之責者例得併書

祭文

正開祭鹽河閘神文

萬曆十七年歲次己丑春三月戊申朔越祭日

某甲子山東等處承宣布政使司右叅政管運

司事綜理河工甘肅驥濟南府推官准督河工

吳獻臺等敢昭告於鹽河歷城縣濼口閘神鹽

河齊河閘神鹽河長清縣張村閘神鹽河長清

縣沙河門頭閘神鹽河平陰閘神而言曰在昔

神禹績著玄珪濟潔旣導締鹽以西載及尚父

輻輳青齊敬仲修之輕重足稽實擅磋商藉此

大溪茫茫千載九河非故我明肇興海鹽權務
歷汴抵淮財貲州注糧漕來往邊儲稱裕亦資
河疏鱗趨鳥赴時移事異魏宋改屬于乘既漚
止流斷續利委既狹利源復局歲額告虧大農
載歎人謀弗減亦神之辱驥策職蒞斯土幸際
聖明議復舊圖宿弊釐清在拉中原有循東瀛
河流如綫陸輪經營行看並滯風夜憂縈惟節
上流以時蓄洩樂口泉起榆山西結綿亘三郡
五閘是列斟酌高下錯綜曲折議土廟廊芻蕘

弗撤載抃載度襲石銅金峭壁彌丈磐根竟尋
天吳鎮幹鼯鼠伏沉百工蟻附群佐遙臨魚山
若平役者如林弗損正額不擾商民節縮數載
鏹羨百鈞饑氓以濟役竣十旬利涉惠賈裕國
通津禹跡可追泱泱再臻敢云殫慮徼福實多
少藉安流永奠基阿尤祈霖濟用渡輕舸束牲
以膺載酒惟醴河伯洋洋奄忽來過尚饗

詩

計臺行

翰林
學士 徐世隆

海王之國富疆地不取民財取鹽利管仲初成
九合功民到於今猶受賜唐家中業有賢臣幹
旋山海爲經綸中更千載無人繼國用自足不
歛民大元拓地超唐漢白雪清煙滿齊甸無憂
當日一夷吾有後而今說劉晏鹽課雖添價不
添山東河南食賤鹽詔令通權清滄界白金萬
笏黃金兼賈胡安知取有道竈戶商人俱被擾
金山寶海安在哉空使優人供戲笑尚書素抱
通明才豈但鞭算名計臺憲司前日理冤獄要

使陰德傳將來莫言嵯府多疑怨貪墨廉清人
自見君不見栖霞土產赤色金百鍊愈精終不
變

觀竈行

判運 范天民

去歲二月春還妍陳臺拜受白麻宣不俟駕行
之北燕總軍屯糧昌平田行藏暗中誰幹旋忽
焉歷下來備員桃萼亂落清明天匹馬又走東
海堧信乎海上寒氣偏晨昏出處猶宜綿白茅
黃棘平無邊四極迤邐雲霄連加之蔽日風霾

纏迷暗莫能省陌阡嫌灘遙見白鮮鮮恍疑潮
信來泔泔竟日未嘗逢一廬間觀幾縷瑛中煙
乃知竈插方春燕豐熟尚給糧與錢而况適罹
饑僅年米值一斗逾一千無糴有價非虛傳訴
餒人如蟻慕羶爲問性命何所延云食黃穗飲
鹹泉且圖充饑腹便便鉤蚶撈蛤閑何緣開池
蒔土爭後先三乾三濕溷乃全廣儲束草留供
燃工程相繼常拘聯四時一日無息肩不分男
婦而皆然頭蓬面垢衣裳穿舉家手足成胼胝

老難益壯窮難堅世間多少愚與賢胡爲乃爾
獨迤邐吁嗟鹽戶誠何愆恨余有筆不及椽作
文那能追謫仙立草萬言書百篇稽首獻之君
王前聖恩聖德符乾坤悉令下土稅租蠲較諸
竈戶獨爭懸嗚呼此輩誰能憐

賣鹽婦

楊維正

會稽人

賣鹽婦百結青裙走風雨雨花灑鹽鹽作鹵背
負空筐淚如縷三日破鎗無粟煮老姑饑寒更
愁苦道旁行人因問之拭淚吞聲爲君語妾身

山東鹽法志 卷之十四
家本住山東夫家名在兵籍中荷戈崎嶇戍口
越妾亦萬里來相從年來海上風塵起樓船百
戰秋濤裏良人賈勇身先死白骨誰知填海水
前年大兒征饒州饒州未復軍尚留去年小兒
攻高郵可憐血作淮河流中原封疆音信絕官
倉不開口糧缺空營木落煙火稀夜雨殘燈泣
嗚咽東隣西舍夫不歸今年嫁作商人妻繡羅
裁衣春日低落花飛絮愁深閨妾心如水甘貧
賤辛苦賣鹽終不怨得錢糴米供老姑泉下無

慚見夫面君不見繡衣使者淞河東采詩正欲
觀民風莫棄吾儂賣鹽婦歸朝先奏明光宮

憫鹽丁。

郭五常
西平人

煎鹽苦煎鹽苦瀕海風霾恆弗雨赤鹵芒芒草
盡枯竈底無柴空積滷借貸無從生計疎十家
村落逃亡五曬鹽苦曬鹽苦水漲潮翻灘沒股
雪花點散不成珠池面半鋪盡泥土商執支牒
吏敲門私負公輸竟何補兒女嗚咽夜不炊翁
嫗憔悴衣藍縷古來水旱傷三農誰知鹽丁同

此楚我欲挽回淳古風深慚調燮無絲補且以
仁煦摩且以義鼓舞勿使心如墨勿使心如虎
中和一致雨暘時煎曬應無當日苦

此詩見於五洲圖志卷之四水滄海圖志卷之四
蘇林書院藏本卷之四水滄海圖志卷之四
蘇林書院藏本卷之四水滄海圖志卷之四

汪正常
西平

山東鹽法志第十四卷上完



